

ԱՐԳԱՄ ԱՅՎԱԶՅԱՆ, Նախիջևանի կոթողային հուշարձաններն ու պատկերաֆանդակները, ՀՍՍՀ Մինիստրների խորհրդին առընթեր պատմության և կուլտուրայի հուշարձանների պահպանության ու օգտագործման գլխավոր վարչություն, Երևան, «Հայաստան» հրատարակչություն, 1987, 398 էջ, 459 լուսանկար:

Պատմական Հայաստանի Նախճավան, Գողթն, Երնջակ, Զահուկ գավառների ճարտարապետական և մեմորիալ հուշարձանները բավական կարևոր են միջնադարյան Հայ արվեստի և ընդհանրապես մշակույթի պատմության համար: Սակայն, ցավոք, XIX դ. վերջին և XX դ. սկզբին լույս տեսած Ղ. Ալիշանի, Ե. Լալայանի, Մ. Սմբատյանի, Գ. Հովսեփյանի ընդհանուր բնութագրի աշխատություններում այդ գավառների հիշատակը հուշարձաններին նվիրված էջերը մինչև 1970-ական թվականները մնում էին նրանց մասին միակ աղբյուրը: Դա բացատրվում է մի շարք պատճառներով, որոնցից գլխավորը այդ շրջանների հայկական ճարտարապետական կոթողների դժվարամատչելի լինելն էր ուսումնասիրության համար: Եվ սովետահայ մասնագետներն ու ընթերցող հասարակությունը Ա. Ալվազյանին են պարտական Նախիջևանի ԻՍՍՀ-ի տարածքում կանգուն հայկական բերդերի, եկեղեցիների, խաչքարերի, գրություն կենտրոնների հետազոտման և նյութերի հրապարակման համար: Հեղինակը՝ ծննդյամբ այդ երկրամասից, հնարավորություն է ունեցել վերջին երկու տասնամյակի ընթացքում անձամբ ուսումնասիրելու, չափադրելու ու լուսանկարելու միջնադարյան Հայաստանի մշակութային կյանքում կարևոր դեր խաղացած Նախիջևանի ԻՍՍՀ-ի տարածքի բնակավայրերն ու վանքային համալիրները, եկեղեցիներն ու կոթողները: Սկզբում դիտական ամսագրերում առանձին հոդվածներով, ապա գրքերով Ա. Ալվազյանը մեզ ծանոթացրեց Հայ արվեստի ու ճարտարապետության մի ինքնատիպ ու խիստ հետաքրքրական դպրոցի նվաճումներին, փաստորեն վերացնելով մեր մշակույթի պատմության մեջ մի «սպիտակ բիծ»:

Ա. Ալվազյանի առաջին գրքերը վերաբերում էին պատմական Հայաստանի այդ երկրամասի հուշարձաններին ընդհանրապես: Դրանք են «Նախիջևանի պատմաճարտարապետական հուշարձանները» (Երևան, 1978), նույնը ընդարձակված և վերամշակված ռուսերեն (Երևան, 1981), «Նախիջևանի ԻՍՍՀ հայկական հուշարձանները: Համահավաք ցուցակ» (Երևան, 1986) գրքերը: Այժմ արդեն հեղինակը աշխատանք է տանում նյութի ավելի խոր ուսումնասիրման ուղղությամբ, ներդնելով հետազոտման շրջանակները, մենագրություններ նվիրելով առանձին համակարգերին կամ արվեստի ժանրերին: Այդպիսին են նրա «Ազուլիս» և «Ջուղա» գրքերը (Երևան էլ 1984 թ.) և այս վերջինը՝ գրախոսվողը, նվիրված արդեն Նախիջևանի կոթողներին ու քանդակագործական արվեստին:

Այս մեծածավալ և հարուստ պատկերազարդված գրքում նյութը խմբավորված է չորս գլխում՝ ըստ պատմական գավառների: Առաջարանում համառոտ տրվում է Նախիջևանի ԻՍՍՀ-ի տարածքի հնագիտական ուսումնասիրության պատմությունը, որտեղ առանձնակի հետաքրքրություն են ներկայացնում Կարմիր վանքի բրոնզեդարյան և Ալիշարի ուրարտական մշակույթի գտածոները: Ներածականում տրված է Նախիջևանի տարածքի խաչքարերի, պաշտամունքային կառույցներում հանդիպող պատկերաքանդակների ու հարդարանքի, զարդամետիվների համառոտ ուրվագիծը: Առաջին գլխում, նվիրված Գողթնի հուշարձաններին, սկսվում է պատմական Մեսրոպավանի մոտ գտնվող Նավասարի ժայռապատկերներից: Առաջին հայացքից կարող է համոզիչ շփվել մեր թվարկությունից դարեր և հաղարսմյակներ առաջ կերտված, մարդկության այս հնագույն արվեստի գործերը Հայ ժողովրդի մշակույթին նվիրված գրքում ներկայացնելու: Սակայն աղբյուրների գիտնականների մի պատահական հայտնագործություն, որքան էլ տարօրինակ է, գալիս է հավաստի որոշելու Նավասարի ժայռապատկերները ստեղծողների ազգային պատկանելությունը: 1972 թ. «Вопросы света» ամսագրի 5-րդ համարում տպագրված է Վ. Ալիևի հաղորդումը «Հնագույն դիր» վերնագրով, որտեղ հայտնվում է Նախիջևանի ԻՍՍՀ-ի Օրդուբադի շրջանի Նասիբվազ գյուղի մոտակա ժայռերին Ադրբեջանական

ՍՍՀ ԳԱ պատմության ինստիտուտի գիտաբանական ժամանակ ուսումնասիրված ժայռապատկերների կողքին, «Հնագույն գրի-պատկերագրի կամ գաղափարագրի» հայտնադորձման մասին, Բարև-բախտարար, ապված են նաև ժայռապատկերների լուսանկարները այդ «խորհրդավոր» նշանների հետ, որտեղ պարզորոշ կարգացվում է ՏՐ ՏՍ (Տեր Յիսուս) մակագրությունը։ Մի կողմ թողնենք հողվածի պատմական գիտությունների թեկնածու Հեղինակի անտեղյակության վաստոր հարևան ժողովրդի այրուրենի վերարկայալ, Հայերեն այս մակագրության հայտնաբերումը ունի երկու կարևոր նշանակություն. առաջին, Նախիջևանի տարածքի ժայռապատկերները ստեղծվել են հայերի կողմից, երկրորդ, պետք է ընդհանրապես վերանայել ժայռապատկերների թվագրման հարցը և ընդունել, որ դրանք շարունակվել են փորագրվել ամենաուշը մինչև վաղ միջնադար, ինչ վերաբերում է հիշյալ «նասիրված» գյուղին, այս դա վերանայված հին հայկական բնակավայր Մևրոպավանն է, որտեղ դեռ կա կիստվեր ս. Մևրոպ Մաշտոց վանքը։ Հստ Կորյունի հաղորդած տեղեկության Մևրոպ Մաշտոց գրերի գյուղից հետո մեկ-նում է Գողթն, իր դաստակերտը։ Մևրոպավանի վանքի հիմնադրումը նույնպես կապում են Մաշտոցի հետ։ Հետագայում է, որ ավանին հարևան նավաստարում կա քարայր, որն ավանդաբար անվանվում է Մևրոպ Մաշտոցի անձաձա։ Այս ուղղակի և կողմնակի փաստերի հիման վրա կարելի է նույնիսկ մի գայթակղիչ վարկած առաջադրել. նավաստարի ժայռապատկերների մի մասը փորագրող և հայերեն մակագրությունը թողնող հայ հովիվները աշակերտել են անմիջապես հենց իրեն՝ հայ առաջին ուսուցչին։

Առաջին գլխում, Մևրոպավանից բացի, ներկայացված են Գողթնի այնպիսի կարևոր հուշարձանախմբեր, ինչպիսիք Ագուլիսը, Յոնան, Փառական և այլն։ Նրանք մասերն են և կենդեցիներն իրենց ուղագրավ քանդակներով ու որմնանկարներով արդեն հայտնի էին մասնագիտական գրականության մեջ, ապա Յոնայի ս. Աստվածածին եկեղեցու խիստ յուրօրինակ հարթաքանդակներն ու բարձրաքանդակները, ամենատարբեր պատկերագրական թեմաներով՝ իսկական հայտնություն են։ Այսպես, օրինակ, Յոնայի եկեղեցու զանգակատան պատի խաչ-լուսյան և Աստվածածնի խորաքանդակները այնքան ցցուն են, որ համարյա դառնում են ազատ քանդակ։ Կատարման տեխնիկայով և ոճով դրանք այդ դարերի հայկական արվեստում եզակի են։ Ուղագրավ են նաև Մամիսի եկեղեցու պատերին ագուցված Աստվածածնի քանդակը մանուկ Բրիստոսը գրկին, Փառականի ս. Հակոբ Հայրապետ եկեղեցու դարդանախշերը։ Այս նյութերը զգալի հարստացնում են ուղ միջնադարի հայ արվեստի պատմությունը, ստիպում վերանայելու մի շարք տեսակետներ XV—XVII դդ. հայկական բանականագործության համակարգում ուղղությունների վերաբերյալ։

Հաջորդ գլխում ներկայացված հուշարձաններից հետագայից են Շոռթի ս. Հակոբ եկեղեցու Աստվածածնի, ինչպես նաև Նորաշենի եկեղեցու ավետարանիչների հարթաքանդակները, Աբրահամյանի ս. Կարապետ վանքի արևմտյան ճակատի արձվաքանդակը, որը խիստ ոճավորված է և զգալի տարրերով է Սյունիքի XIII—XIV դդ. մեզ հայտնի համանման քանդակներից։ Այս գլխի պատկերազարդման մասում մեծաքանակ բարձրորակ գունավոր և սև-սպիտակ լուսանկարներով (մոտ 50) ներկայացված է համաշխարհային արվեստի մի այնպիսի եզակի հուշարձանախումբ, ինչպիսին Զուղայի գերեզմանոցն է։ Սակայն տեղատեղի մասը բավական համառոտ է և չի համապատասխանում Զուղայի կոթողների նշանակությանը և նյութի առատությանը։ Հավանաբար, հեղինակը նկատի է ունեցել, որ Զուղայի խաչքարերի մասին արդեն առանձին տպագրած մենագրություն ունի։

Նախիջևան քաղաքին և Աստապատի Կարմիր վանքին նվիրված փոքր գլխից հետո գիրքը եզրափակում է Շահապոնքի (Ճահուկի) հուշարձանները պարունակող վերջին՝ չորրորդ գլխով։ Այստեղ առաջին անգամ հրատարակվում են Օծոթի, Ագարակի, Գոմերի, Կծածորի, Շահապոնքի (Ճահուկի) երեմանի հայաբնակ գյուղերի գերեզմանոցների խաչքարերը և պատկերաքանդակներով տապանաքարերը, որոնց մեծ մասն ունեն այդ գավառների պատմությունը լուսաբանող արժեքավոր արձանագրություններ։

Գրքում ներկայացված հարյուրավոր խաչքարերի ու տապանաքարերի զգալի մասը պատկանում է ուղ միջնադարին՝ XV—XVII դդ.։ Սակայն միանգամայն նորույթ էր խաչքարերի արվեստի ձևավորման ժամանակաշրջանի՝ X—XI դդ. թվագրված բազմաթիվ կոթողների առկայությունը Նախիջևանի ԻՍՍՀ-ի տարածքում, ինչ վերաբերում է Գողթնի ու Երնջակի պատկերաքանդակներին ու շենքերի հարդարանքի բաղկացուցիչ մասը կազմող զարդանախշերին, ապա դրանք իրենց առանձնահատկություններով հաստատում են գրականության մեջ արդեն առաջ քաշված այն տեսակետը, որ ուղ միջնադարում գոյություն է ունեցել հայկական ճարտարապետության Նախիջևանի դպրոց։ Ուղագրավ է նաև Աստվածածնի պատկերաքանդակների տա-

րածված յինչև Նախիջևանի հուշարձաններում: Նման երևույթ հայկական արվեստում հանդիպում է XIV դ. Սյունիքում: Հավանաբար, այս երկու փաստերի միջև ժառանգորդական կապ գոյություն ունի, որի բացահայտման համար լրացուցիչ ուսումնասիրություն է անհրաժեշտ:

Ա. Այվազյանի նոր գիրքը աչքի է ընկնում նաև հրատարակության բարձր որակով՝ ամբողջովին տպագրված է կավճապատ թղթի վրա, ունի ճաշակով ձևավորում (պետք է նշել, որ զեղարվեստական և տեխնիկական խմբագրումը իրենք՝ հեղինակինն է), պարունակում է հարյուրավոր գունավոր լուսանկարներ, ունի ռուսերեն և անգլերեն ամփոփումներ (սակայն թերություն է այդ լեզուներով լուսանկարների ցանկերի բացակայությունը): Մի խոսքով, բավարարված են այն բոլոր պայմանները, որոնք անհրաժեշտ և պարտադիր են արվեստին նվիրված գրքի տպագրության համար, որը, ցավոք, խիստ հազվագեղ է հանդիպում մեր հանրապետության հրատարակչական գործի պրակտիկայում:

Այնպատանքը գերծ չէ խմբագրական ընդլայնի թերություններից և վրիպումներից: Այսպես, օրինակ, հեղինակը գրում է, որ Նախիջևանում թխալքարերը կանգնեցվել են 4—5-րդ դարերից (էջ 16), կլոր հորինվածքով խալքարերը ստեղծվել են V—VII դդ. (էջ 52): Բայց խալքարը, որպես փոքր ճարտարապետական որոշակի ձև (ուղղածիզ կանգնեցված քարե սալ խալի բանդակով), ձևավորվել է IX դարում, թեպետ հավանական է, որ առաջին օրինակները կարող լին Երևան գալ VII դարից սկսած: Ինչ վերաբերում է վաղ միջնադարին, ապա V—VII դդ. Հայաստանում կերտվել են ազատ կանգնած թևավոր խալքեր, որոնք, սակայն խալքար չեն հանդիսանում: Խոչնդակ տապանքարերի կիրառման սկիզբը համարվում է XII—XIII դդ. (էջ 23), սակայն այսպիսի թվագրման արգասիք են: Համոզիչ չեն մի շարք խալքարերի թվագրումը (էջ 40, 56—58, 62): Զի հիմնավորվում Թամիսի XVII դ. եկեղեցու Աստվածածնի քանդակի թվագրումը XV դարով (էջ 41): Կան պատկերազրական վրիպումներ: Ազուլիսի ս. Թովմայի վանքի պատին Պետրոս առաքյալը ձևերին ոչ թե կշեռք, այլ քանալիներ ունի բռնած (էջ 30), Ճղնայի ո. Աստվածածին: Եկեղեցու մուտքի վերևում քանդակված առաքյալներից Պետրոսն է բանալիներով, իսկ Պողոսը՝ գավազանով, այլ ոչ հակառակը (էջ 36): Աղուլիսի ս. Քրիստափոր Եկեղեցու պատի բարձրաքանդակը վաղ միջնադարյան հանրահայտ Թարի հովիտ պատկերազրություն է (էջ 33), որը, ի դեպ, բացառիկ է հայ քանդակագործական արվեստում: Ճղնայի եկեղեցու արևմտյան պատի քանդակը պատկերում է Քրիստոսի մկրտության տեսարանը, և նրա աջ կողքին կանգնած անձնավորությունը Հովհաննես Մկրտիչն է, իսկ ձախ կողմում՝ Հորդանան գետի խորհրդանշանը: Ի դեպ, լուսանկարից երևում է, որ այդ քանդակը ստեղծվել է եկեղեցու կառուցման հետ միաժամանակ (XVII դար) և չի կարող առնել վաղ կերտված լինել (էջ 37): Զիշտ չէ այն արտահայտությունը, թե Ճղնայի պատկերաքանդակները ժամանակակից են: Թադեի վանքի քանդակներին: Պետք է հակառակը ասել, որովհետև վերջիններս առնել ուղի XVII դ. են ստեղծվել (էջ 39):

Նշված թերությունները չեն նսեմացնում գրքի անմիջական արժանիքները: Ամփոփելով վերոգրյալը, կարելի է վստահ ասել, որ Ա. Այվազյանի նոր գիրքը հիմնովի մի ավանդ է հայ միջնադարյան արվեստի ուսումնասիրման կարևոր գործում:

Մ. Մ. ՀԱՍՐԱՔՅԱՆ
ՃԱՐՏԱՐԱՊԱՎԵՏՈՒՅԱՆ ԻՆՏԵՆՏ